

ỌKPOSỌN ABASI JACOB

Isaiah 41:1-18; 42:1-8; 43:1-2

ỌYỌHỌ UKPEP-ŃKPỌ 366

Eke Ikpọ Owo

IKỌ IBUOT: “Ami ndi Jehovah; enyiñ mi edi oro: ndinyuñ nnoñọ owo efen uboñ mi, nnoñọ ndisọi mbiet itoro mi” (Isaiah 42:8).

I Ufak Israel

- 1 Ọboñ okot kpukpru mme idut ete esik ekpere ke ikpe, etiñ enyuñ ebire ikọ eke anade mmọ ke iso, Isaiah 41:1; Zechariah 2:13
- 2 Etiñ ebaña enye emi edidahade ada ndinyaña Israel nsio ke ntañ-mfep nte mbiet Messiah ke mme akpatre usen, Isaiah 41:2, 3; 45:1-3; Ezra 1:1, 2
- 3 Kpukpru mme idut eketo ke Ọboñ ewọrọ, Isaiah 41:4; Deuteronomy 32:8; Utom Mme Apostle 17:26
- 4 Enọ mfiori osim kpukpru idut ete esop idem ọtọ kiet ke abaña ekọñ. Anam-utom kiet ọsọñọ kiet eken idem ete anam obufa abasi man afak mmimọ osio ke ñkpọ-ndik eke edide, Isaiah 41:5-7; Joel 3:9-12
- 5 Abasi ọsọñọ nditọ Israel idem ete ekufehe ndik koro Imọ idude ye mmọ, iyenyuñ inyaña mmọ, Isaiah 41:8-14; 43:1, 2; 44:2; Joshua 1:9; Nwede Mbon Rome 8:31
- 6 Israel eyedi obufa ukpat-ñkpọ ubek ibokpot emi edidighide ikpọ obot, Isaiah 41:15, 16; 64:1-3; Micah 4:13

II Ñkukut Ke Abaña Messiah Emi Edidide

- 1 Ke ini ubuene ye mbon unana eyomde mmọñ, ndien baba esisit miduhe, Ọboñ eyesirede mme inyañ ke ikpọ obot, Isaiah 41:17, 18; 35:6, 7; 43:19; 44:3; Psalm 107:35
- 2 Spirit Abasi eyedoro Enye (Jesus) ke idem. Etiñ eyarade uduot Esie, Isaiah 42:1-4; Matthew 3:17; John 3:34
- 3 Ọboñ emi okobotde ikpa enyoñ, onyuñ ọnọde mme owo ibifik idinọhọ owo eñwen uboñ Esie, Isaiah 42:5-8; Psalm 136:5-9

SE EKPEPDE EBAÑA

Ebiọ Emi Odude Ke Ndem

Abasi enyene ikọ ye idut mme okpono-ndem oto ke ntañ emi mmọ etuakde ibuo ete mme mbiet emi edade eto ye itiat enam. Enye okot mmọ ete esaña ekpere edikpe ikọ ye Imọ; Enye onyuñ etiñ owut nte ndem miwọrọke baba ñkpọ kiet.

Owo kiet eyemek eto, ekpi enye ọduọk onyuñ ada ubak esie abara ikañ. Enye onyuñ ada usok mmọ abara ikañ ewebe, onyuñ ada ukañ esie asañ uyo. Ke nyọhọ nsuhọ eto emi, anam-usọ eyenyan uruk udomo esie ye ada ben-etap ye udomo-ñkpọ anam enye esin ke mbiet owo. Odom-utim ye ufat-ñkpọ esie: anam utom ye ukañ, ọdiọñ onyuñ obot enye ke ukọñ-ñkpọ, onyuñ anam enye ke ubok odudu esie. Ke ntre ke enye anam abasi, ọduọ ke isọñ atuak ibuo ọnọ enye, onyuñ ọboñ akam ọnọ enye ete, “Nyaña mi; koro afo edide abasi mi” (Isaiah 44:12-17).

Ke ufot ikọ emi, Abasi ayarare owut nte ndem edide ikpikpu; ye nte mmọ minyeneke odudu ndinam baba ñkpọ kiet! Mmọ ikemeke ndikut ñkpọ, inyuñ ikemeke ndikop ikọ, mmọ ikemeke ndidaha nda nsaña, kpa ye oro mme owo esuhọre ke idaha spirit tutu enuhọ etuak ibuo ekere ete ke mme ndem oro eyefak mmimọ ke ini ekọñ. Israel akana nte edi isio-isio idut ke otu mme idut eke ekande enye ekuk.

Mme Nsu-nsu Ido Ukpono

Otọ̀nọ́de ke akpa idomo emi akadade itie ke Iñwañ, mme owo emehe ke ndiwọ̀nre ntiene mme abasi efen. Ke eyo nnyin, nsu-nsu ñka ye nsu-nsu ido ukpono mme abasi ada mme itie ukpono-ndem. Satan ke añwam ndisiak mbufa usuñ ukpono mme abasi. Ediwak mbet emi esinde idem eti-eti edu ke otu mbon “ñkohore-idem,” mmọ emi ebuọtde idem ye se ekutde ke enyin, ye mmọ emi ekerede ete ke edi ibet obot ikpọ̀n-ikpọ̀n akara ererimbot emi. Andidiọk ada ndusuk akpanikọ ofuk ediwak nsu, onyũ ada oro abiaña mme owo emi edude ke mbeñe-idem ndinin ñkpọ ekededi ndinam esit mmọ ana suñ, nnyũ mfuk uwem idiọk-ñkpọ.

Ntañidem ye editiñ ntoro idem edi mme mkpọsọñ ñkpọ iba emi etopde esin ke ubon owo emi ema ekeduọ. Mme owo eyom ndiwọrọ etop, ukem nte andidiọk, enyũ eyom ndimenere “ebekpọ” mmọ ọdọk akan ebekpọ Abasi.

Utuñ

Abasi okot nditọ Israel utuñ, ñkpọ eke esede ke mbio, mme owo enyũ edighide ke ikpat ebe. Mme owo ema ese Jesus ke ndek enyũ esin Enye. Edi Abasi ete ke iyenam Israel edi obufa ukpat-ñkpọ ubek ibokpot eke ọsọpde, enyenede ediwak iso ndien Enye eyedigi ikpọ obot onyũ anuak mmọ emem; eyenyũ onim ñkpri obot nte mbio ibokpot. Ini ke edi emi Abasi edinimde ikpe ke uruk udomo ye se inende ke uruk-ñket. Kpukpru mmọ emi ekeñwanade ekọñ ye Israel “eyekabare edi ikpikpu, ye nte ñkpọ eke miduhe du.”

Abasi etiñ añwaña ete ke mbemiso Imọ idu, Abasi efen ikoduhe, efen idinyũ itieneke Imọ edem, ndien Andinyaña efen iduhe ke ebede Imọ.

Abasi Odudu

Ọkpọsọñ Abasi Jacob edi Abasi odudu. Enye eketiñ ikọ ndien ererimbot emi ọwọrọ odu. Enye owuk utin, ọfiọñ, ye ntanta-ọfiọñ ke itie mmọ. Enye ọkọdọhọ ete, “Yak uñwana odu,” uñwana onyũ odu. Enye obot owo oto ke ntan isọñ onyũ ọduọk ibifik uwem esin enye ke ndudu ibuo. Abasi mme utibe-ñkpọ, Abasi odudu! Enye edi edikoñ ye edisana, Enye ọyọhọ ke kpukpru ebiet, kpa ye oro edi suñ-suñ onyũ ọsuhọre tutu Enye okop ata ekpri mfiori emi otode esit eke ọfuhọde; Abasi emi okponde tutu Enye akama kpukpru mmọñ akpa inyañ ke eka ubọk Esie; onyũ odomo mme obot ke udomo ñkpọ; Abasi emi okponde tutu ofuri ererimbot etie nte ntọi mmọñ ke esit bucket! Edi owo emi ebotde, adaha ada osuñi Abasi, emi edide Andibot. Edi Abasi ke akwa ubọñ ye odudu Esie, osuk eti uduot owo emi odude ke usuhọre itie unana uñwam. Enye ama osio Ñkpọ-uto eke ayamade akan ke Heaven ọnọ Enye ọsuhọre edi ke isọñ, edisio owo efep ke edituñọ ukpe hell, afak osio ke ufin esin ke ubọñ ye ubọhọ eke enyenede nditọ Abasi. Nso utọ ukpuhọre! Nso utọ edikpuhọre uduot! Edi Ọkpọsọñ Abasi Jacob anam kpukpru oro osu.

Ekenem Enye esit ndinam Eyen Esie anuaha man ekeme ndiñwam mmọ eke enuahade. Enye idibuñke “esañ eke anuahade” idinyũ inimeke “ọfọñ utuenikañ eke etiede nnime-nnime,” Enye eyeda ikpe ọwọrọ ọnọ akpanikọ.

Se Inamde Idem Emem Iduhe

Okposuk edi Christ ekedide se owo esede ke ndek, enyũ esin Enye; Enye edi owo ukut, onyũ emehe ke mfuhọ; Ikọ etiñ ọnọ nnyin ete ke esit ididuọhọ Enye, Enye idinyũ imemke idem tutu Enye onim ikpe ke ererimbot.

Eti-mbuk Jesus Christ idinanake odudu tutu amama. Otọ̀nọ́de ke akpa ini emi ekekwoꝛde enye tutu osim emi, atat enyin mme nnan ke Spirit, onyũ esiredede mme utọñ inan ke Spirit. Ada uñwana ye ubọhọ ọsọk ata ekese owo, ediwak owo ñko enyũ enyene ifet nditiene mbuana ke odudu erikọk esie.

“Mbon ukut ye ubuene eyom mmōñ, edi iduhe, edeme mmō amasat ke nsat-itōñ. Ami Jehovah nyeyere mmō, ami Abasi Israel ndikpōñke mmō.” Enye eyesiak akpa mmōñ ke enyōñ ikpō obot, eyesiak idim mmōñ ke ufōt mme ebefēñ.

Abasi enyene saña-saña usuñ eke Enye adade mme owo ekesim ebiet eke mmō ekemedede ndikop akpanikō. Enye eyenam akpa mmōñ asiaha ke ufōt mmō, midighe Enye eyeda mmō asaña ebe ke akpa-utatan man ekesim q̄tō eke akpa mmōñ odude. Enye ama ada owo Ethiopia asaña ebe ke akpa-utatan onyūñ ada Philip ɔsuhore aka ke akpa-utatan oro man ada mmōñ uwem ɔsok owo Ethiopia. Mbuk etiñ q̄nō nnyin ete ke owo Ethiopia oro ama q̄nyōñ akañwam ndinam odu-uwem mmōñ asiaha ke obio esie.

David Livingstone ama aka Africa nte ɔkworō-ikō Abasi emi esiode edōñ, ndien akpa mmōñ ama asiaha ke ediwak itie ke idut oro ekim okofukde.

Abasi ke oyoyom mme usuñ emi Odu-uwem Mmōñ emi ekemedede ndisaña mbe. Nte afo amama ndidi usuñ mmōñ oro nno Jesus? Oto ke uwem fo, ke akam fo, ye se afo enyenede, emekeme ndimenere Ɔkp̄sōñ Abasi Jacob ke enyōñ, ye Eyen Esie Jesus Christ, emi akakpade ndifak ererimbot nsio ke idiok-ñkp̄, nnyūñ nda edinen ido, akpanikō ye edisana ido nsin ke esit nditō owo.

Uñwana Emi Edōñde Enō Mme idut (Gentile)

Ukpep-ñkp̄ emi onyūñ etiñ ñko ete ke ikō Abasi eyedi uñwana emi ediyamade q̄nō Mme idut (Gentile). Ama ɔsōñ eti-eti mme Jew ndinim ke akpanikō nte; ke owo ekededede eke misañake ikekem ye ido ukpono Abasi mme Jew ekeme nditiene mmō mbuana ke uñwana ikō Abasi. Kpa mbet ema eyom ndibin eyen-añwan Syrophenicia q̄nyōñ. Edi Mme idut (Gentile) ema ebō Ikō Abasi, enyūñ eda mmō edian. Oro ada fi ye ami esin ke ebuana ye Abasi, edieke nnyin inyimede ndinam se Abasi ɔdohode.

Nnyin ñko imonyūñ ikeme ndida eñwōñō oro Enye ɔkōñwōñōde q̄nō Israel nnyene, “Kudighe, koro ami ndude ye afo: kunyek idem, koro ami ndide Abasi fo: nyesōñō fi idem; nditreke ndinyaña fi; nditreke ndimum fi ñkama ke edinen ubok nnasia mi.” Emi ekedi mme ikō emi etode Ɔkp̄sōñ Abasi Jacob.

MME MBUME

- 1 Nso ikedi ikō emi okodude ke ufōt Abasi ye mme idut emi ekekande ekuk?
- 2 Tiñ nte ekenamde ndem ke eset. Nso ida itie nte ndem mfin emi?
- 3 Nso ikedi ntak emi mme idut ekedianade ye kiet eken?
- 4 Nso eñwōñō ke Abasi ɔkōñwōñō q̄nō nditō Israel?
- 5 Tiñ ndusuk mme ntiñ-nnim ikō emi abañade Jesus.
- 6 Nso ke Abasi eketiñ abaña ndimen ubōñ Esie nno ñkp̄ efen?
- 7 Nso eñwōñō ke Abasi ɔkōñwōñō q̄nō mbon ubuene ye mbon unana?
- 8 Ke esiode mme Jew efep, mme anie efen ke Abasi ɔkōñwōñō Eti-mbuk q̄nō?